

ҚР ӘМ «ҚР ЗҚАИ» РМҚ
директорының
2021 ж. «26» 08
№ 43 бұйрығымен бекітілді

**ҚР ӘМ «ҚР ЗАҢНАМА ЖӘНЕ ҚҰҚЫҚТЫҚ АҚПАРАТ
ИНСТИТУТЫ» РМҚ МҮДДЕЛЕР ҚАҚТЫҒЫСЫН
БОЛҒЫЗБАУ САЯСАТЫ**

Нұр-Сұлтан қ., 2021 ж.

1. Жалпы ережелер

1. Қазақстан Республикасы Әділет министрлігінің «ҚР Заңнама және құқықтық ақпарат институты» республикалық мемлекеттік кәсіпорнының мүдделер қақтығысын болғызбау саясаты (бұдан әрі – Саясат) – ҚР ӘМ «ҚР Заңнама және құқықтық ақпарат институты» республикалық мемлекеттік кәсіпорнының (бұдан әрі – «ЗҚАИ») РМК, Кәсіпорын) орын алған және/немесе ықтимал мүдделер қақтығыстарын айқындау, анықтау және басқару процесін тиісінше реттеу және бақылау жөніндегі тәртіпті белгілеу мақсатында әзірленген Кәсіпорынның ішкі құжаты.

2. Саясат «Сыбайлас жемқорлыққа қарсы іс-қимыл туралы» Қазақстан Республикасының Заңына, Қазақстан Республикасының өзге де нормативтік құқықтық актілеріне, «ЗҚАИ» РМК Жарғысына және Кәсіпорынның басқа да ішкі құжаттарына сәйкес әзірленді.

3. Осы Саясатта пайдаланылатын терминдер мен анықтамалар:

1) **жақын туыстар** – ата-аналары (ата-анасы), балалары, асырап алушылар, асырап алынған балалар, ата-анасы бір және ата-анасы бөлек ағалықтары мен апа-сіңлілері (қарындастары), атасы, әжесі, немерелері, жұбайы (зайыбы), жұбайының (зайыбының) жақын туыстары;

2) **Кәсіпорынның лауазымды тұлғасы** – директор, директордың орынбасарлары, ғылыми хатшы, бас бухгалтер, құрылымдық бөлімшелер мен филиалдардың басшылары;

3) **Кәсіпорынның жұмыскері** – жұмыс берушімен еңбек қатынастарында тұратын және еңбек шарты бойынша жұмысты тікелей атқаратын жеке тұлға;

4) **Кәсіпорын бөлімшелері** – орталық аппараттың құрылымдық бөлімшелері, барлық өңірлік филиалдар;

5) **мүдделер қақтығысы** – Кәсіпорынның лауазымды тұлғасының немесе жұмыскерінің мүддесі олардың шешімдер қабылдау және міндеттерді орындау объективтілігі мен тәуелсіздігіне әсер етуі, сондай-ақ Кәсіпорын мүддесі үшін әрекет ету міндеттемесіне қайшы келуі мүмкін жағдай;

6) **мүдделер қақтығысын басқару** – Кәсіпорынның лауазымды тұлғасының немесе жұмыскерінің мүдделері олардың шешімдер қабылдау және міндеттерді орындау объективтілігі мен тәуелсіздігіне әсер етуі, сондай-ақ Кәсіпорын мүддесі үшін әрекет ету міндеттемесіне қайшы келуі мүмкін жағдайларды болғызбау тетіктерін жасау.

4. Мыналар:

1) орын алған және ықтимал мүдделер қақтығыстарына жол бермеу және болғызбау;

2) Кәсіпорынның орын алған және/немесе ықтимал мүдделер қақтығыстарын анықтау және басқару осы Саясаттың мақсаты болып табылады.

5. Мыналар:

- 1) Кәсіпорында мүдделер қақтығыстары туындайтын жағдайлардың уақтылы алдын алу, анықтау және болдырмау;
- 2) мүдделер қақтығыстары туралы ақпаратты ашу қағидаттарын белгілеу;
- 3) Кәсіпорынның мүдделер қақтығыстарын анықтау, басқару және реттеу жөнінде шаралар қабылдауы осы Саясаттың негізгі міндеттері болып табылады.

2. Орын алған және ықтимал мүдделер қақтығысын басқару тәргібі

2.1. Мүдделер қақтығысының пайда болуы бойынша жағдайларды айқындау

6. Мүдделер қақтығысы деп Кәсіпорынның лауазымды тұлғасының немесе жұмыскерінің мүддесі олардың шешімдер қабылдау және міндеттерді орындау объективтілігі мен тәуелсіздігіне әсер етуі, сондай-ақ Кәсіпорын мүддесі үшін әрекет ету міндеттемесіне қайшы келуі мүмкін жағдай түсініледі.

7. Кәсіпорынның лауазымды тұлғаларының және/немесе жұмыскерлерінің мүдделер қақтығысы оның лауазымды тұлғасының және/немесе жұмыскерінің Кәсіпорынның қызметіне байланысты қызметтік міндеттерді және азаматтық-құқықтық шарттар жасасу жөніндегі қызметті жүзеге асыру процесінде материалдық немесе жеке пайдасы болған жағдайларда туындауы мүмкін.

8. Кәсіпорын осындай қызмет түрлері Қазақстан Республикасының қолданыстағы заңнамасында рұқсат етілген және Кәсіпорынның лауазымды тұлғасы мен жұмыскерінің лауазымдық міндеттерімен сыйысатын жағдайда, өзінің лауазымды тұлғасы мен жұмыскерінің басқа қызмет түрлеріне қатысу құқықтарын таниды және құрметтейді.

9. Кәсіпорынның лауазымды тұлғасы және/немесе жұмыскері мүдделер қақтығысын тудыруы немесе қауіп төндіруі мүмкін немесе лауазымды тұлға шешімінің бейтарап және тәуелсіз болуына әсер етуі мүмкін кез келген жағдай мен әрекеттерден аулақ болуға міндетті.

10. Қабылданған шешімнің шарттары ашып көрсетілген, әдеттегі ішкі және/немесе шаруашылық қызмет шеңберінде Кәсіпорын қызметі барысында туындайтын мүдделер қайшылығы осы Саясат мақсатында Кәсіпорындағы мүдделер қақтығысы болып есептелмейді.

11. Мүдделер қақтығысының пайда болуы бойынша жағдайлар мынадай санаттарға бөлінеді:

- 1) ішкі мүдделер қақтығысы;
- 2) сыртқы мүдделер қақтығысы.

бөлігінде Кәсіпорынмен азаматтық-құқықтық шарт бойынша тарап болып әрекет ететін Кәсіпорынның лауазымды тұлғасы және/немесе жұмыскері қатыспауы керек.

19. Кәсіпорынның лауазымды тұлғасының және/немесе жұмыскерінің жақын туыстарымен Кәсіпорынның қызметін қамтамасыз ету жөніндегі азаматтық-құқықтық шарттар жасасуға жол берілмейді.

2.4. Мүдделер қақтығысы жағдайларының алдын алу және мүдделер қақтығысы туындаған кездегі Кәсіпорынның лауазымды тұлғалары мен жұмыскерлері қызметінің қағидаттары

20. Кәсіпорын мүдделер қақтығысының алдын алу және мүдделер қақтығысын басқару мақсатында:

1) жұмысқа қабылдау кезінде Кәсіпорынның әрбір лауазымды тұлғасы мен жұмыскерін Саясатпен таныстыруды қамтамасыз етеді;

2) Кәсіпорынның лауазымды тұлғалары мен жұмыскерлері арасында Саясаттың мазмұнына қатысты тұрақты түсіндіру жұмысын жүргізеді;

3) қызметті жүзеге асыру процесінде құпия ақпараттың қорғалуын қамтамасыз етеді;

4) ішкі бақылауды жүзеге асыруды қамтамасыз етеді;

5) Саясатта белгіленген талаптар мен шектеулерді сақтамағаны үшін тәртіптік жаза түрлерін Қазақстан Республикасының еңбек заңнамасында көзделген тәртіппен белгілейді.

21. Мүдделер қақтығысы жағдайларының алдын алу және мүдделер қақтығысын басқару мақсатында Кәсіпорынның лауазымды тұлғасы мен жұмыскері:

1) Қазақстан Республикасының заңнамасын, Кәсіпорынның ішкі нормативтік құжаттарын сақтауға;

2) үшінші тұлғалардың алдында Кәсіпорынның мүдделерін білдіру бойынша өзіне берілген өкілеттіктер шегінде әрекет етуге;

3) Саясатта көзделген қағидалар мен рәсімдерді сақтауға;

4) мүдделер қақтығысының туындауына алып келуі мүмкін әрекеттер жасаудан және шешімдер қабылдаудан қалыс қалуға;

5) Кәсіпорынды құқыққа қарсы қызметті жүзеге асыруға тарту мүмкіндігін болдырмауға;

6) осы Саясаттың 31-тармағына сәйкес мүдделер қақтығысының туындауына әкеп соғуы мүмкін жағдайлардың пайда болуы туралы дереу хабардар етуге;

7) лауазымдық міндеттерін тәуелсіз және адал жүзеге асыруға кедергі келтіретін мән-жайлардың туындағаны туралы хабарлауға;

8) Қазақстан Республикасы заңнамасының талаптарына сәйкес Кәсіпорын қызметі туралы ақпаратты ашып көрсетуді жүзеге асыруға;

9) осындай ақпаратқа қолжетімділігі бар адамдардың ақпаратты жеке мақсаттарда пайдалануының алдын алу жөніндегі шараларды әзірлеуге және жетілдіруге;

10) өзінің іскерлік беделіне, Кәсіпорынның басқа лауазымды тұлғаларының және жалпы Кәсіпорынның іскерлік беделіне зиян келтірмейтіндей өзінің лауазымдық міндеттерін орындауға;

11) мүдделер қақтығысының есебін жүргізуге жауапты тиісті адамға функцияларын жүзеге асыруға жәрдемдесуге;

12) Қазақстан Республикасының заңнамасында және Кәсіпорынның ішкі нормативтік құжаттарында көзделген құпия ақпаратты қорғау режимін сақтауға;

13) мүдделер қақтығысын бағалау объективтілігін қамтамасыз ету және оны тиімді реттеу үшін жағдайлар жасау мақсатында осы Саясаттың 2 және 3-параграфтарында көрсетілген жағдайларда Кәсіпорын қызметінің мәселелерін және/немесе

азаматтық-құқықтық шарттарды қарауға және олар бойынша шешім шығаруға қатыспауға міндетті.

22. Кәсіпорынның лауазымды тұлғалары мен басшы жұмыскерлері жеке өзіне немесе жақын туыстарын, жұбайын, зайыбын қоса алғанда, олармен үлестес тұлғаларға сыйлықтар табыс ету туралы талап етпеуге және шешім қабылдамауға, үшінші тұлғаларға Кәсіпорынның мүдделерін бұза отырып жеңілдіктер мен пайда бермеуге, қызмет жағдайына байланысты Кәсіпорын ұсынатын қандай да бір артықшылықтарды өзінің жеке мақсаттары мен жақын туыстарының, жұбайының, зайыбының мақсаттары үшін пайдаланбауы керек.

23. Кәсіпорын басшылығы Кәсіпорын мен Кәсіпорынның лауазымды тұлғалары, басшы жұмыскерлері және олардың үлестес тұлғалары арасында мүдделер қақтығысының туындауына ықпал ететін жағдайлардың туындауына жол бермеу бойынша қажетті шаралар қабылдайды.

24. Кәсіпорын мүдделер қақтығысы пайда болуының алдын алу және реттеу және орын алған және ықтимал мүдделер қақтығысы бар жағдайларға мұқият қарау қағидатын ұстанады. Мүдделер қақтығысы туындаған кезде Кәсіпорын Қазақстан Республикасының заңнамасын және Кәсіпорынның ішкі нормативтік құжаттарын сақтауға негізделген ұстанымды ұстанады.

25. Кәсіпорындағы орын алған және ықтимал мүдделер қақтығысының алдын алу және реттеу Кәсіпорынның мүліктік мүдделері мен іскерлік беделін бірдей қорғауға мүмкіндік береді.

26. Мүдделер қақтығысының алдын алу және реттеу жөніндегі жұмыстың тиімділігі, егер олар Кәсіпорында туындаса немесе туындауы мүмкін болса, осындай қақтығыстарды барынша толық және тез анықтауды

және Кәсіпорынның барлық органының іс-қимылын нақты үйлестіруді болжайды.

27. Мүдделер қақтығысы туындаған кездегі Кәсіпорынның лауазымды тұлғалары мен жұмыскерлері қызметінің негізгі қағидаттары мыналар болып табылады:

1) адалдық. Кәсіпорынның барлық лауазымды тұлғалары мен жұмыскерлері Кәсіпорын қызметінің мәселелері және/немесе мүдделер қақтығысы белгілері бар азаматтық-құқықтық шарттар жасасу бойынша шешімдер қабылдау практикасы туралы хабардар етілген. Осыған байланысты Кәсіпорынның лауазымды тұлғасы мен жұмыскері Кәсіпорын қызметінің мәселелері және/немесе мүдделер қақтығысы белгілері бар азаматтық-құқықтық шарттар жасасу бойынша шешімдер қабылдаудың барлық рәсімін мүлтіксіз сақтауға міндетті;

2) уақтылылық. Кәсіпорын басшылығына Кәсіпорын қызметі және/немесе азаматтық-құқықтық шарт жасасу мәселесі бойынша мүдделер қақтығысының туындау фактісі туралы ақпарат беру осындай мәселелер бойынша шешім қабылданғанға дейін жүзеге асырылады. Бұл ретте мүдделер қақтығысының туындағаны туралы хабардар ету мерзімі Кәсіпорын қызметі мәселесі және/немесе азаматтық-құқықтық шарттар жасасу бойынша сараланған шешім қабылдау үшін жеткілікті болуға тиіс;

3) ашықтық. Кәсіпорын қызметі және/немесе мүдделілік бар азаматтық-құқықтық шарттар жасасу мәселесі жөніндегі ақпарат Қазақстан Республикасының заңнамасына сәйкес Кәсіпорын басшылығына ашып көрсетіледі.

2.5. Орын алған немесе ықтимал мүдделер қақтығысы бойынша жағдайды анықтау, тіркеу, есепке алу және мониторингілеу

28. Кәсіпорынның лауазымды тұлғалары мен жұмыскерлері мүдделер қақтығысын болғызбау мақсатында кадр қызметіне міндетті түрде өзі, жақын туыстары (ата-аналары (ата-анасы), балалары, бала асырап алушылары, асырап алынған балалары, ата-анасы бір және ата-анасы бөлек аға-інілері мен апа-сіңлілері (қарындастары), жұбайы туралы мәліметтер ұсынады.

29. Кәсіпорын бөлімшелерінің лауазымды тұлғалары мен жұмыскерлері өз қызметінде орын алған және ықтимал мүдделер қақтығысын уақтылы анықтауды және оларды жою бойынша шаралар қабылдауды қамтамасыз етуге тиіс.

30. Кәсіпорында орын алған немесе ықтимал мүдделер қақтығысы анықталған және ашылған жағдайда, Кәсіпорын жұмыскері үш жұмыс күні ішінде бұл туралы директордың жетекшілік ететін орынбасарына немесе кадр қызметінің басшысына жазбаша нысанда хабарлауға тиіс.

31. Орын алған немесе ықтимал мүдделер қақтығысын анықтау фактісін қарау рәсімін бастау үшін қақтығысқа қатысушының арызы не мүдделер қақтығысы туралы ақпарат негіз болып табылады

32. Егер бұл қақтығыс қаралған және ол бойынша тиісті шешім шығарылған жағдайда ғана арызды қабылдаудан бас тартылуы мүмкін.

33. Кәсіпорынның лауазымды тұлғасының және/немесе жұмыскерінің ықтимал немесе орын алған мүдделер қақтығысын есепке алу Кәсіпорынның қызметін құқықтық қамтамасыз ету функцияларын жүзеге асыратын құрылымдық бөлімшеге жүктеледі.

34. Мүдделер қақтығысын есепке алуды жүргізу процесінде құқықтық қамтамасыз ету функцияларын жүзеге асыратын құрылымдық бөлімше мүдделер қақтығыстарын ашуға және бағалауға байланысты материалдарды қоса алғанда, мәліметтерді, сондай-ақ оларды реттеу туралы шешімдерді жинауды, сақтауды және мониторингілеуді жүргізеді.

2.6. Орын алған немесе ықтимал мүдделер қақтығысын реттеу және олар бойынша шешімдер қабылдау рәсімдері

35. Кәсіпорынның лауазымды тұлғасы мен жұмыскері өз қызметін Кәсіпорын мүдделерінің басымдығын қатаң сақтай отырып, адалдық, шыншылдық, қажетті ақпаратты ашудың толықтығы қағидаттарымен жүзеге асыруға міндетті.

36. Анықталған мүдделер қақтығысын реттеу мақсатында Кәсіпорынның лауазымды тұлғасы мен жұмыскері осы Саясаттың 32-тармағында кезделген іс-қимылдарды жүзеге асырады.

37. Кәсіпорынның лауазымды тұлғасы және/немесе жұмыскері, егер ол Кәсіпорынның қызметі мәселесі және/немесе мүдделер қақтығысына әкеп соғуы мүмкін, Кәсіпорынның қызметін қамтамасыз ету жөніндегі азаматтық-құқықтық шарт жасасу бойынша шешім қабылдауға мүдделі тұлға болып табылса, Кәсіпорын қызметінің мәселесі және/немесе Кәсіпорынның қызметін қамтамасыз ету жөніндегі азаматтық-құқықтық шарт жасасу мәселесін қарауға және олар бойынша шешім қабылдауға қатыса алмайды.

Кәсіпорынның лауазымды тұлғасының және/немесе жұмыскерінің Кәсіпорын қызметі мәселесі және/немесе Кәсіпорын қызметін қамтамасыз ету жөніндегі азаматтық-құқықтық шарт жасасу бойынша шешім қабылдауға мүдделілігі деп мыналар:

- 1) жақын туыстықтың болуы;
- 2) жеке мақсаттар үшін қандай да бір жеңілдіктер немесе пайда ұсыну;
- 3) қызмет жағдайына байланысты қандай да бір артықшылықтарды жеке мақсатта ұсыну;

4) жеке өзіне немесе олармен үлестес тұлғаларға 2 АЕК жоғары сыйлықтарды табыстау туралы талап қою;

5) Қазақстан Республикасының заңнамасында және Кәсіпорынның ішкі нормативтік құжаттарында көзделген өзге де жағдайлар түсініледі.

38. Азаматтық-құқықтық шарт мүдделер қақтығысы бар жағдай болған кезде жасалған жағдайда, осы азаматтық-құқықтық шартты Қазақстан Республикасының заңнамасына, Кәсіпорынның ішкі нормативтік құжатына, сондай-ақ тауарлардың, жұмыстардың немесе көрсетілетін қызметтердің нарықтық бағасына сәйкес бағалау жүргізіледі және азаматтық-құқықтық шарттың нарықтық бағасын бағалау соған ұқсас басқа азаматтық-құқықтық шарттың құнымен салыстыру арқылы жүзеге асырылады.

3. Жауапкершілік

39. Кәсіпорынның лауазымды тұлғасы мен жұмыскерлері осы Саясат талаптарының сақталуына дербес жауапкершілікте болады.

40. Кәсіпорынның лауазымды тұлғасы мен жұмыскері өздеріне белгілі болған мүдделер қақтығысы жағдайларын болғызбау және реттеу бойынша шаралар қабылдамағаны үшін тәртіптік жауапкершілікте болады.

41. Белгілі бір жағдайларда, осы Саясатта көзделген қағидалар мен рәсімдерді сақтамау азаматтық-құқықтық, әкімшілік немесе қылмыстық қудалау шараларына алып келеді.

42. Кәсіпорын қызметінің мәселелері және/немесе мүдделер қақтығысы болған кезде азаматтық-құқықтық шарт жасасу бойынша қабылданған шешім салдарынан Кәсіпорынға келтірілген залалды өтеу бойынша Кәсіпорынның лауазымды тұлғалары мен жұмыскерлері Қазақстан Республикасының заңнамалық актілерінде көзделген жауапкершілікте болады.

4. Қорытынды ережелер

43. Қажеттілігіне қарай Қазақстан Республикасы заңнамасының талаптарына және Кәсіпорынның ішкі нормативтік құжаттарына сәйкес Саясатқа өзгерістер мен толықтырулар енгізіледі.

44. Кәсіпорынның лауазымды тұлғалары мен жұмыскерлері Саясат ережелерін қатаң сақтауы керек.

45. Осы Саясатта тікелей реттелмеген барлық жағдайда Қазақстан Республикасының қолданыстағы заңнамасының нормалары мен талаптарын және Кәсіпорынның ішкі нормативтік құжаттарын басшылыққа алу қажет.